

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0058211 24
Zenica, 12.09.2024. godine

OPĆINSKI SUD U KAKNJU
-Sudiji za prethodno saslušanje-
KAKANJ

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m o

OPTUŽNICU

Protiv:

H. E., neosuđivan,

što je:

dana 26.04.2024. godine, oko 09,00 sati, u Kaknju, ugrozio sigurnost M. T., na način da je u Sali zgrade Općine Kakanj, prilikom prijema Organizacije porodice šehida i poginulih boraca općine Kakanj, bez ikakvog povoda i razloga, uputio prijetnju predsjedniku udruženja M. T., da će prema njemu napraviti krvoproliče ukoliko se isti bude obraćao ispred porodica šehida i poginulih boraca na skupu na Kamenici u Zavidovićima povodom obilježavanja sjećanja na Vozučko ratište koje je planirano za dan 28.04.2024. godine, koje prijetnje je ponovio više puta, svjestan da takvim svojim postupanjem može ugroziti sigurnost M. T., što je i htio, što je sve kod istog izazvalo osjećaj straha, ugroženosti i uznemirenosti,

dakle, ugrozio sigurnost osobe ozbiljnom prijetnjom da će napasti na njegov život i tijelo,

čime je počinio krivično djelo Ugrožavanje sigurnosti iz člana 183. stav 1. KZ F BiH.